

696.1321

懷德縣鄉土志

674.1321
682



昌圖府懷德縣鄉土志 初稿

歷代建置沿革

禹貢青冀一州之東北境分九州為十二道以西割冀州東北境為幽州遼以東割青海外境

營州孤竹居其西極東則肅慎氏之故址也 魏源 聖武記孤竹國今遼西縣 縣治當在肅慎之

西界內商周之際或曰息慎或曰思慎仍肅慎故地息思皆其轉音春秋戰國時近東胡地秦漢則

遼東四郡之北境後漢為扶餘國地 後漢書扶餘國在元荒郡北千里南 界高麗東界挹婁西與鮮卑接壤 歷兩晉南北朝及隋統一

天下為契丹鞞鞞之南鄙或有時為新羅地唐特設黑水府都督府後渤海太氏感取其地改為扶

餘府遼置信州彰聖軍鎮武昌武定二縣屬東京 二縣在今鐵嶺縣東北 縣治或近之然當為黃龍府屬地科

爾沁旗東南二百餘里有隆安城或即黃龍府之舊也 明統志龍安一瓦河在三萬衛西北金山外 隆安一說在天春三年改遼黃龍府為濟州大

定九年更為隆州貞祐初升為隆安府以時與地驗之隆安當為隆安之舊遼黃龍府故址今永

吉州西北皆黃龍府地也 咸京通志一說黃龍府在開原縣 松英紀聞去黃龍府百餘里

曰順州州近混同江若開原則去混同江六百餘里余太祖安龍渡江即據有之也 不詳元宗宣

和六年元金主登極使行程錄自雄州至南京會寧府道路皆所親歷說當可信錄云有落州七十

里至興州五十里至銀州又四十里至威州府四十里至肅州又五十里至同州自同州七十

里止信州又九十里至肅州寺堂寨百餘里四十里至黃龍府自此東行計凡四百一十里落州為

今承德縣地銀州則鐵嶺縣治也又八十里之肅州即宜為開原縣又北二百餘里殺即縣治之西

界又 聖祖東巡云烏拉山嶼間即古黃龍府地又似在威遠堡邊門外伊通州界內若然則實 為縣治之南境 張穆家古游歌記云以地形驗之黃龍府故址當在今柳條邊外昌圖府東北蘇 爾蘇河之北岸此說似為有據但湮滅無考不取聽度耳若謂之今開原即古黃龍府地二說互異



未知孰是金為咸平路屬上京滿洲地志安邊府領安瓊二州滿洲源流考云遼之安州即渤海之安邊

府金之歸仁縣而隸於咸平府讀此地應在開原邊外松漠記聞云由信州二百九十里至於安州

之南舖店大清一統志謂信州為慈喜之古地當鐵嶺之東北界按肉信州東北二百九十里則當

在現今吉林與 盛京疆界之近旁縣治即其地也 咸寧通志與蒙古邊牧記皆謂信州即今之鳳

九十里距吉奉兩省 元為開元路北境明設努爾干都司領外衛八十有四 武八年設遼東都指揮

割疆處尚覺甚遠 元為開元路北境明設努爾干都司領外衛八十有四 武八年設遼東都指揮

以領各衛改元之開元路地為遼海三萬二衛其地 昌圖府即明之遼海衛其石碣尚存又北置福

餘外衛以元後兀良哈為都指揮掌實印科爾沁旗部落之緣起其旗在善拳口東北八百七

十里至京師才四百八十里與扎賚特部一旗杜爾伯特部一旗左翼附郭爾羅斯部二旗統盟於

哲里木按科爾沁旗地東西距八百七十里南北距二千一百里東至郭爾羅斯界西至扎賚特界

南至 盛京邊牆北至索倫界其境內分兩翼翼又分前中後旗凡六旗雖在界之極東南處屬

左翼中旗乾隆四十九年理藩院奉准科爾沁旗連額漢親王地方游牧商民居址近開原縣者即

交開縣管理同治五年設昌圖縣歸昌圖界內光緒三年昌圖改設知府於昌圖府治內東北境

人家鎮舊有經歷員缺改設懷德縣隸昌圖府大抵遼東之地雖經唐虞分州而後歷史有徵然終

以奉天錦州遼陽等處為有據若懷德縣治為遼東之東歷蕭懷扶餘契丹靺鞨新羅諸部落或割

據爭雄或稱藩附欵本徽外之地隸徽外時為多茲僅溯其崖畧云爾

政績

張雲祥

興利

字集亭四川人光緒二年改設縣治公首膺斯任凡諸創制皆肇其謀以持己誠以待人不移言興革而民踴受福尤喜甄拔士類教人以數品為先軍憲崇實知其樸誠可任事於其任內調任江東五常廳一帶查訪私件復服携一僕往返兩月餘事皆得實滄任五年去後人皆思之

章樾

聽訟

字幼樵河南人光緒十一年調署本境發廢摘奸獄無留滯惜蒞任止十一月

賀墳

興利兼去害

字筱樵山東人光緒十二年任本境十七年創立輔聖書院就文昌宮正殿為講堂兩廊為齋室稍加修葺捐廉銀四百兩又勸捐銀千六百兩束錢七千五百千按每年一分六生息成本不動計所入之利元山長薪水生童等項當膏伙彙款雖微皆得實用文風進步實有賴焉雖政尚嚴執稍近於酷然匪徒為之斂跡境內肅然

高煦陽

興利

字樸菴江南人本燒錘非沃土每歲所入供本地之用而有餘惟不知審穀戶鮮蓋識一遇飢荒則

嗷嗷者衆因仿朱文公常平遠意勸捐積穀合邑中十八社同時舉辦倉儲之備自此始焉光緒二十
五年攝篆年餘去任

廖彭 去害兼與利

字錢如貴州人光緒三十一年蒞任道鏡日構兵漢姦俗名曰通事肆毒稍曉俄語者即以之欺詐平民受

其害者不可縷指公按法誅通事李姓尚姓二名其患稍息民甚賴之創立學堂亦任內經始勸辦

本境地處邊陲界鄰蒙域非官軍聲所及為盜賊出沒之區同治四年鬪匪倡亂肅泉一二萬人殺傷官府焚燬居民野蕪蕭然尤為劫運設治之後匪患續戰越十數年而有甲午之役又數年而拳民之亂日俄之戰相繼以起茲就地方所經歷與有關乎時局者彙錄以志之

甲午之役治境距前敵尚遠雖警報數至而地方未嘗動擾迨庚子拳民肇釁歷春壬夏謠傳蓋起無稽不經之說愚民爭相竊議皆以為非宋之丁甲神兵且有謂內省已獲勝仗者於是本境及左

近鄰封匪徒亦多響應有法師等邑宰范貴良特以鎮靜與史隆釗彈壓有方故商民雖受驚恐未

遭損害先是俄人在蘇治南九十里之公主嶺設鐵路三站亦一絕大區埠也至是俄國兵民之搬

取什物燒燬房舍奔竄歸國者絡繹不絕又數日俄逆畧盡土匪漸滋六月十八日長春府營弁阮

遠謀巡察至境且防俄兵之過境焚掠者探有俄兵一隊遑至阮營弁帶馬隊二十名步隊五

十名至本境南界之平頂山西過俄前哨十餘名發槍奮擊行將盡殲不虞後路俄兵三百餘一擁

而至我兵馬步隔絕不相救應阮營弁隨陣沒少頃步隊亦戰潰俄兵縱火焚燒居民被災者凡

百餘家是役也我兵死者三十餘人俄兵死者二十一人居民十餘人蓋由於眾寡懸殊救援隔

絕故軍心番勇而卒以敗聞時甚憤之九月俄軍自北路南下先至長春府察內謝敬之太守欽奉

不戰之議與俄軍升相見以理諭之以誠結之因應咸宜措施得當得免於戰不殊長春商民盡受其福而懷邑適營其後獲慶安全微謝公之力焉可臻此二十七年去任懷邑商民思其德願實購石勒碑以志之懷邑地屬邊荒盜匪乃於二月初六日劫廖西行言語不通辯誣無術至鐵嶺縣將置於死適聞其前軍散勇倉皇北奔方縱使歸至三站又幽囚多日始得復任吁亦險矣而俄人之檢害治境從此更層出不窮茲分志於後

一曰搜軍器也懷境多盜居民非挖掘兵自衛爭相購藏由來已久俄軍來境之後挨戶搜查有被獲者即以甲千目之俄語竊匪曰步營甲千陰軍器被毀外必破產賠以重金始得免其一死良民之受其擾

累者殆什居六七焉

一曰查間諜也日俄交關兩國偵探互防間諜到處搜尋於是中國人之能通日俄語者目為牛馬導之以行治境嚴實民戶稍忤其意即指為奸細竊令破嚴刑拷問以行其訛詐需索之術非絕其故不去得財則與彼族朋分境內騷然幾無寧日民之被害者不可勝計

一曰號糧單也俄軍非來身蘇資糧將輸不繼於是分往四鄉破索糧單奸黠之徒遂倡為合眾供應之議令左近民戶各出糧草既盡而若輩之謀求無已是否俄患之一也

一曰食耕牛也農戶養牛數頭以供用牧之原野既尙芻料且易蓄滋藉以為生者甚眾俄人見輒

驅去新少則繼之以鷄羊歲之間二者幾與真種

一曰招降隊也兩國軍興鬪匪善起地方官畏其黨眾權宜應變或以看取正法或以收撫納款有綽號小純字即趙蘭亭者先降奉化縣繼復叛而降本色俄人以其毀鐵路故入境解去解赴哈爾濱復知其夙賊憤戰能為俄用仍令來懷德招隊二百名輔以俄兵百名使之保守鐵路擅作威福擾害地方尤甚俄去後為其下所殺

一曰築土路也曠豆境內者凡四一至長春府北界經縣街而西至赫爾蘇河

即小連河也

弘境一自長

春府稍北經縣治南十二里一在縣治南四十里一在縣治經南境近柳條邊路寬三丈六尺低窪泥濘處伐木聚土高處挖之使平兩邊塚三尺既便馬車轉運而兵隊進退又無陷淖失路之虞此節祇侵佔田畝損傷禾稼尚無他害以俄之紀律嚴明而漢姦游騎尚乘隙肆毒若此呼兵固可畏哉三十二年七月趙小純字餘堂緯號大老落理即回備聚眾二十餘肆行搶掠適直隸軍門銜勳駐兵昌圖討其分隊張營弁帶兵百餘來本境原為剿除賊匪鎮壓地面聞警調本境巡兵合辦帶隊共二百餘外尚有長春巡兵督餉尾追及於縣治西界之遼河套民戶院內縱兵圍擊賊初於院內支拒少聞突出衝擊官軍逸而北去張營弁隊兵死者七八人本境巡兵唐王和什長商得勝陣沒巡兵死者二人長春府巡兵亦有傷亡統計弁兵死者十三人彼傷者六七十人抵獲賊一名傷

賊二三名得小賞夫軍士無賴為之控訴遂合處披竿賊亦鮮漏網者

氏族

十

道光初年故荒招墾居民由金復州等處遷來者曰南城人居什之六由承德府一帶遷來者曰西城人居什之三由直隸遷來者曰關裏人居什之一皆不遠千里分土受廩然貧民居多於耕務謀食小既無縉紳巨族矜式閭閻復僻絃誦世家漸厚重堂迄至光緒三年本境設縣治建學校文明漸啓始有重學問入仕途者然讀之太甚似仍未也茲擇其來此年久人丁蕃衍家數整飭者列之於左

趙姓

居北振原社距縣治四十里由晉趙氏分派乾隆年由山左遷居本境歷傳四世人財之旺實冠本境趙晉臣由舉人現充禮部郎中

畢姓

居北振原社與趙姓為鄰由畢公得氏乾隆初年由山左遷本境今歷四世人丁蕃衍現雖析居每戶尚百餘口

劉氏

自堯得氏先世居址代遠年湮無可考証嘉慶初年由山左遷居本境即今之北平安社也距縣治

十二里來本境三世科譜傳家劉海春現充本境學堂總董

疆界

本境在着城東北距五百四十里在府城東北距三百里北勢東南西北稍極寬敞而欲求缺北縣治又在極東北處正東十里界長春府東南百二十里伊通州遼門正南九十五里柳條邊西南百一十里赫爾蘇門皆界伊通州正西以赫爾蘇河分界西即奉化縣河折而西稍西北百三十里古拉把山之東有蒙古南北邊壕一道壕以西邊源州界遼源州之南奉化縣之北尚有一角與康平縣接壤極西北百二十五里界蒙古荒近西北八十里正北二十里皆界長春府境內舊分十八社今縣治一社為巡警中路外十七社內添置巡警二十六區其界址里數詳列於後

一南保艾社之中即縣治也東界南邊壕北邊壕二社東南界杜路豐社南西二里界北平安社北

界中保艾社東西二十里南北十里十一二重不詳各橋梁詳道等公署學堂巡警分類橋梁詳道一祠廟有公產者

縣治東街廟帝城隍娘娘各廟皆前後殿西則財神鬼王二廟一脈分院任持僧共約七八人

一南邊儀社縣治正東偏南界長春府東南界新民社南界南發豐西界北發豐南保艾二社北

界北邊儀社東南西北斜長四十五里東西十五里界之東鄰有小鎮曰大嶺小生理十餘戶鎮之

東街即屬吉林長春府界是為東路第一區距縣治四十里又鎮西十五里之永發屯為東路第一

區距縣治三十五里願有任持僧

一北裕豐社縣治東南東界南邊義社東南連南裕豐社南長南平安社西界北平安社北界南保艾社東南西北四十里東西十二里十五里不等社內平台子七為東路第三區距城二十五里

一北平安社附縣治兩西二面東界北裕豐社東南南界南平安社南及西界中振康社西北之南界北振康社北界中保艾北保艾二社東南西北七十里東西二十里十里不等社內三道崗為西路第一區距縣治三十五里西北二十里榆樹堡為北路第四區距縣二十里極西北三教寺為北路

第三區距縣治四十里

一中振康社縣治西南東界北平安社東南南平安社南界南振康社西界遼河北界北振康社南北五十里東西二十里社內大榆樹堡為西路第一區距縣治四十里

一新民社縣治東南東界長春府南界柳條邊西界南裕豐社北界南邊義社東南西北五十里東西二十里十里不等社內姚家燒鍋為東路第七區距縣治百一十里

一南裕豐社縣治東南東界新民社南界柳條邊西界和悅社西北界南平安社北及東北界北裕豐南邊義二社東南西北五十五里東西三十里二十里不等社內五家鎮為東路第四區距縣治五十里又宋家店為東路第六區距縣治七十五里五家子廟平頂山廟蔡家廟

一南平安社縣治正南東及北界北裕豐社東南南界南和悅艾二社西界南振康中

振康二社西北界北平安社南北二十五里東西二十里鎮曰黑林子距縣治五十里商務稍盛縣治實所屬巨鎮也是為南路第五區稍西北八又溝為康路第五區距縣治三十五里鎮街有關帝廟鎮南二里娘娘廟

一南接康社縣治西南東原南平安文韓二社南界長善萬寶二社西界連河東西三十里南北二十五里有鎮東頭曰朝陽坡西頭曰新河口街長五里渡口橋有劉家義船渡來往行人車輛今劉姓乙式徽矣商務委五家子距縣治七十里為縣治西路第四區社東南公主嶺嶺上小城一距縣治八十里社西北小城一距縣治六十里均無考又鎮康十五里石頭廟子為西路第五區距縣治六十里鎮街有廟又鎮東北有娘娘廟

一和悅社縣治東南東街南裕豐社南至柳條邊西界文興社北界南平安社南北五十里東西二十里社西北小城一無致社內三合七為南路第六區距縣治八十里稍東南龍家屯為南路第七區距縣九十里

一文壽社縣治正南東界和悅社南界柳條邊西界長壽社西北界南振康社北界南平安社南北三十五里東西二十里社內小城一無考社西南石頭哨為南路第一區距縣治九十里石頭哨之左有萬壽山廟

一長壽社縣治正南東界文壽社南界柳條邊西界萬寶社北界南極康社南北三十里東西十五里社內鐵路三站為南路第二區有交涉局派委員駐之距縣治九十五里稍東北聚升橋為南路

第三區距縣治九十里

一萬寶社縣治西南東街長壽社南界柳條邊西界遼河止界南振康社南北三十五里東西二十里十五里不等社內山禁紅城為南路第四區距縣九十里

一北遵義社縣治東北東界長春府南界南遵義社西界南保文社中保文二社西北界北保文社東南西北八十里東西十里五里不等社內石佛廟距縣治四十里

一中保文社縣治正北東界北遵義社南界南保文社西界北平安社北界北保文社東南西北五十里東西二十里社內黃花甸子廟距縣治十五里

一北振康社縣治東及北界北平安社南界中振康社西南界遼河西及西北界西振康社保文二社東西四十五里南北二十里社內八屋鎮小商戶三五家為西第三區距縣治七十里高家窩堡為西路第六區距縣治四十里小城一距縣治三十里年代無考

一北保文社縣治西北東界中保文社南界北平安西振康二社西界蒙邊蒙北界蒙古荒及長春府東北界北遵義社東西九十里南北四十里社內東境揚太城鎮距縣治七十里商務與黑林鎮

鎮相埒經庚子兵燹稍見蕭條鎮東雙龍水為北路第一區距縣治四十里西境邊蒙屬為北路
第五區距縣治百里再西柳條溝為北路第二區距縣治百一十里鐘音廟住持趙龍傳多得宗族
且殷實為境中諸廟冠

一西振康社縣治南北東界北振康社南界遼河西界蒙古邊壕北界北保艾社南北三十五里東西
六十里社內後二秋光第西路第七區距縣治百二十里土多沙礫並北保艾社相類西北一帶又
與蒙荒接壤類雖出沒不常故地甚遼闊而居鮮少

軍制

光緒三年本境改設縣治邑令張雲祥泣任請設捕盜把總一員外委一員馬什長六名捕勇馬隊六十名駐防朝陽披省中發餉庚子之亂奉軍憲令裁撤捕營撥省營步巡兵五十名歸縣調遣嗣因入地不宜稟請撤回自招親兵小隊二十名以為護署聽差之用三十二年軍憲趙各府州縣牛馬稅另行派員征收地方官招養兵隊籌餉不易查明舊卷仍令復設捕營以符定制大州縣四五十名設把總一員小州縣二三十名設外委一員懷德縣大縣例仍設把總一員捕勇馬隊四十名每月餉需由縣備文赴省請領三十三年稟督撫憲札飭按照章改把總為捕盜巡官改捕兵為巡兵本年又奉巡警通札以捕盜一營虛糜餉項既有巡警正兵即可概行裁撤本縣姚以懷邑地處邊荒盜匪時起捕盜弁兵有守護監獄押解匪犯之責未便遽行裁撤等情備文呈履奉批仰候督轅核示飭遵等因現尚奉奉明文其四五六三月餉項仍舊撥給茲將兵額餉數清列於後

捕盜營

改設之後
駐防縣街

把總一員

每月薪水銀十三兩津貼銀十七兩
按每月三十日算月小扣一日算同

馬什長四名

每月餉銀七兩
津貼二兩

馬勇三十六名

每月餉銀七兩
津貼二兩

於以上弁兵每月共應領餉銀三百九十二兩

懷德縣立之役雖有捐營輝歷仍以地遠灑種行時起不得已又請於上由有營北路撥統巡一員兵二百名來境駐紮以資鎮懾而靖地方弁兵仍食原餉由本管統領發給三二年報以瓜代至二十三年調防吉省今無客兵駐境矣

二十四年四鄉照辦團練三十年改為警察三十二年軍憲趙奏定新章又改為巡警即今之各區兵弁也按地籌捐以充各區餉項計每天地捐中錢百六十文出入捐抵月有所虧而各路馬巡動於緝捕近年以來並無大股賊匪入境鄉民賴之以安不得不謂巡警之效也

衙署

縣治舊名八家鎮初係蒙古科爾沁達爾罕王旗游牧之區自道光元年招民墾墾越數十年人烟漸集遂成巨鎮同治五年始設分防經歷隸昌圖廳光緒三年昌圖廳改升府治裁經歷改懷德縣治立文廟設訓導典史等官即以是年建修衙署今將文廟衙署坐落間數分志於後

一文廟坐落東南門外儒學衙署東偏丹壁後左右侵門各一東曰禮門西曰義路頭門三間門內左右繪以碑牆中心則圍檯壁水在焉再進為樞星門三間門以內東西廡各三間正中大成殿三間殿後崇聖祠三間凡十八間皆瓦房其東即文昌廟大門一間正殿三間左為忠孝祠右為節烈祠各三間後為文昌三代祠三間東西配房各五間凡十八間皆瓦房廡前有魁星閣一座地基長二百五十三弓七尺五寬九十一弓計地十畝三分儒學在內

一縣署在前街偏西路北照壁左右有安良隄暴二門東西配房各三間頭門三間左有衝神廟三間東偏馬班房七間西偏大封六間壯班房五間儀門三間東西六房各七間大堂三間堂後左偏收發處五間二堂三間堂左膳房三間堂右花廳三間廳前之前有正房對照各三間內宅正房五間東西廡房各三間周圍繪以短垣後有正房十一間凡八十九間皆瓦房東馬號共平房十三間徐官借民地展修者地基長一百弓寬二十四弓計地一畝六分六釐六毫

一 佛學在文廟西偏大門一間儀門一間左右便門各一明倫堂三間堂前東西書班房各三間內
宅五間左右廂房各三間凡二十二間皆瓦房地基長寬畝數在文廟以內故不復載

一 督捕廳在後街偏西路北頭門一間右有自新所四間女封一間儀門一間門之左有班房三間
守獄隊房三間右有獄房五間磚牆棘門俱備儀門內左偏科房三間正中大堂三間堂後左右磚
牆月洞門各一二堂三間堂之左有書房三間右有馬籠車棚土平房五間內宅五間東西配房各
三間凡四十四間皆瓦房地基長一百三十弓寬二十五弓計地一畝三畝五分三釐三毫

周禮大司徒掌建邦國與其人民之數以佐王安擾邦國是知古聖王之治天下苟不約知其戶口之多寡版圖之登耗俵俵焉若舟之無楫焉之無警其河由得長駕遠馭之方以為興養立教之本哉

朝併丁於田意在恤民厚生廣生之總曠古莫睹像邑僻處邊陲本係蒙蔽游牧之地向無丁賦自道光初年招民放墾而後雖有時舉行保甲稽查戶口者要不過一紙空文虛應故事究未能確舉其實數光緒初年改設縣治境內丁口踴蘇十萬至三十三年增至二十二萬可謂盛矣然昔之閭閻不期富而自富今則愈患貧而益貧其故何歟蓋生之者寡而食之者眾也今將戶口之數按社分註俾關心民瘼者有所考焉

- 一南保艾社男九千一百一十五女三千九百九十五
- 一中保艾社男五千三百五十一女五千一百三十四
- 一北保艾社男一萬五百五十二女九千二百二十五
- 一中振康社男七千四百四十三女七千二百一十四
- 一南振康社男一萬一千一百二十三女九千二百三十二

- 一西振康社男四千四百六十二女四千二百三十七
 - 一北振康社男三千七百五十一女三千七百六十四
 - 一北遵義社男二千四百八十八女二千六百七十八
 - 一南遵義社男八千二百四十四女八千四百四十一
 - 一南裕豐社男一萬二十二女一萬五十一
 - 一北裕豐社男五千五百二十八女五千九百一十九
 - 一南平安社男七千一百五十三女四千三百二十四
 - 一北平安社男五千四百十九女五千五百四十九
 - 一文興社男七千三百二十五女七千一百七十三
 - 一萬寶社男四千四百二十女四千二百一十一
 - 一興民社男四千三百五十四女四千二百一十五
 - 一和悅社男一萬三百五十二女一萬四百三十九
 - 一長壽社男四千五百四十二女四千四百四十
- 共屯六百七十六共戶八萬九千一百三十九共口二十二萬九千二百五

人類

本境古為游牧之區蒙古人居之至道光元年招民墾荒蒙古人盡數北徙四方之民携耒耜負礮
 祿願受一廛遂成土著而今世俗所稱猶有南城金陵海蓋西城承德歸關裏順天永平山東即山
 各府縣之別要皆漢人也並無番苗民族近有旗民數戶回民十數戶漢人分屯散居務農為業旗人
 佃種人田無世家大族大抵像甲午之變來此避難者初為僑客今作齊民矣回人城市間有之販
 賣食料小計營生而已

風俗

本境為宜農之地民皆勤於稼穡樸實耐勞無游惰奢侈之風而尤善於居積青年立業亦于成家者比比皆是然不能持久一蹶不振者亦復不少其習喪葬祭諸大抵與儀內地不甚歧異但皆必議財喪多淹極自成一方風氣耳婦女性情溫和不淫僻動操紡織諸器混同日用器物惟信奉鬼神重淫祠每染滂褻延巫不延醫故多夭者若夫俗之極弊者今畧報其梗概分為四端舉如左

一曰廟會本色陋習多端而以廟會演劇為最以治城言之每歲酬神者六曰關帝曰城隍曰火神曰龍王曰財神曰三霄娘娘每演必五日劇費約百餘金則一年總計即不下千餘金而會所雜費梨園洋貼地方之所托者又不知凡幾至於四境無虞有之求雨謝降有之或城或鄉終年不絕而英感於娘娘廟香火之會以四月十八日為期至期城鄉士女遠近借米少長咸集肩摩踵接車馬喧闐婦女豔粧任輕薄少年評頭品足不以為恥誣淫糜費殊傷風化迭經有司諭禁而輿情所好旋禁旋開恐終未能猝化耳

二曰鴉片鴉片之害甚於鴆毒盡人皆知然既吸者方甚悔之新吸者尤不知戒舉世皆然而懷人吸者尤況在東京或守國之鄉古也一室門及弁帶無幾以其余喜者市尤可獲利於是堂者愈多

吸者愈衆而貽害遂無所底止。沈迷黑籍廢業失時而家產漸空。生計今幸懸為厲禁。種者庶減矣。者此風其可息乎。

三曰賭博。先世創業艱難。後人不務勤儉。逸居無教。遂沉而成游惰。務好賭博。長納無賴少年。以酒食相徵逐。以裘馬競奢華。等朋引類。結隊成群。一入其中。千金立盡。破產蕩家。相踵備地。方官雖屢示嚴禁。奉行者既屬具文。玩法者視如弁髦。積久難返。信不虛也。

四曰盜賊。境內迤西一帶。檉柳叢生。兼段並茂。熊罴游散。懷民於是。子賴然地。極遠。鄙蠻。出入皆為通逃。數自張令雲祥。贊令墳。先後來寧。斯邑禁賭博。懸榜。清戶口。立保甲。盜風漸息。後之繼之。公任官斯土者。或以寬大繫民心。或以慈祥示休養。而水聽民頑。剽悍逞暴之輩。乘間從。難經。屢次擊獲。就地正法。而鄉劫之風。迄未稍熄。故自庚子以來。盜患當劇於他縣。斯民之驚。折者。固遠。不逞而強。黠者更附之。以逞暴。巨常備軍入境。駐防嚴。高盜之律。清盜賊之源。始得漸次肅清。本色巡警亦遂成立於畏境內。無鷄鳴狗盜之虞矣。

自光緒三十二春奉省憲札飭由方官督同紳士創辦巡警凡所指置悉按奏定章程辦理因程度太低未收效果復創立巡警初級學堂為警界培養人才期警務日臻進步今將總局及學堂辦理情形暨所定章程總舉於左

一總局以本縣為總辦總全局之成並由縣札委捕廳一員會同公舉之紳董二員為辦事委員共任局中一切事宜細事經由總局委員辦理大事則稟縣核奪經前署縣呈蒙巡警道批准立案並刊發本質鈐記以資遵守各在案

一官弁分東南西北四路每路設巡官各一具次設頭等區官三二等區官二十一三等區官三外有總局字識一書手四各區區書二十五一四路共設巡兵馬隊五百三十名內有什長五十四名執旗者五十名吹號者五十名教操者二十五名以上巡兵共分二十五區隸屬於各區官而統率於四路巡官是為鄉屯巡警由各區戶按地抽捐以養之專供防勦緝捕之用

一所設區官內以三等區官一名當駐總局以供差遣歸總局自轄外餘分隸於四路巡官東路巡官轄區七皆二等西路巡官轄區七頭等二二三等一內有一區轄境獨寬南路巡官轄區六皆二等北路巡官轄區五頭等一二等三三三一茲將各區分駐村屯暨距城旦數註於下

- 一 京路第一區駐南遵義社大嶺街距城四十里
 - 二 第二區駐南遵儀社東大窪屯距城三十里
 - 三 第三區駐北裕豐社于台子屯距城二十五里
 - 四 第四區駐南裕豐社五家子街距城六十里
 - 五 第五區駐南平安社八义溝子屯距城四十里
 - 六 第六區駐南裕豐社宋家店距城一百里
 - 七 第七區駐興民社姚家燒鍋屯距城一百十里
- 一 西路第一區駐北裕豐社大榆樹屯距城二十里
- 二 第二區駐北平安社三道崗屯距城三十里
 - 三 第三區駐北振康社八屋街距城六十里
 - 四 第四區駐南振康社朝陽坡街距城七十里
 - 五 第五區駐南振康社石頭廟屯距城八十里
 - 六 第六區駐北振康社高家窩舖距城四十里
 - 七 第七區駐西振康社二秋屯距城百二十里

一南路第一區駐文藝社石頭哨距城九十里

第二區駐長壽社巨升福距城一百里

第三區駐長壽社三站社距城九十里

第四區駐萬寶社山梨紅歲子距城一百里

第五區駐南平安社黑林鎮距城五十里

第六區駐和悅社三合屯距城八十里

第七區駐和悅社龍家屯距城九十里

一北路第一區駐北保艾社雙龍泉距城四十里

第二區駐北保艾社柳條溝屯距城百一十里

第三區駐北平安社三教寺距城四十里

第四區駐北平安社榆樹堡距城二十里

一第五區駐北保艾社姜家歲子距城一百里

一餉項係各社民戶按地籌捐通計境內共地十二萬五千九百四十畝餉一畝三分按月每兩捐

中錢一百六十文每月應共捐錢二萬二千五百五十七吊六十文

一支發餉數委員紳董每月支薪水巾錢一百吊巡官八十吊頭等區官七十吊二等區官六十吊三等區官五十吊守職五十吊局書四十吊區書二十吊馬巡每名按月餉錢三十吊什長加支四吊教操加三吊旗號加二吊又派巡查八名每名月支薪水五十吊總局辦公雜費每月五百四十吊每月通共銷餉巾錢二萬六百七十五吊並入為出每月應虧巾錢五百一十七吊零收放餉項由總局紳董經理按月備文報縣立案並將籌餉存欠各項數目榜示通衢俾眾周知而昭徵信一本街所設之兵初名鎮勇而黑林鎮朝陽坡楊家大城三站等處皆有之餉項善自商家駐於本城者今編為中路設巡官一員區官二區長二馬兵二十名步兵八十名內有什長十名守職一名每月餉錢三千餘吊黑林鎮區官一區長一步兵三十名內有什長三名區書一名餉錢七百餘吊楊家大城區官一步兵二十名內有什長二名區書一名餉錢五百餘吊朝陽坡區官一步兵二十名內有什長二名區書一名餉錢五百餘吊

一堡防共十有八處每防設會首一外有百家長十家長等名得按戶抽丁輪班查道兼詰姦兇看探承酌收者報以為該會食宿之資不另籌餉有事則聯絡一氣各憑調遣無事則各歸本會以資防守

一、巡警學堂在文昌殿東以忠孝祠為講堂嗣因房舍隘隘附於兩等小學堂內設教員二員每月束修一百二十吊體操員一員束修八十吊學生以五十名為定額現額四十八人半年畢業於光緒三十三年九月開辦已畢業者十人現充四路巡警學堂未有的數每月經費在總局徵捐項下撥給通習科員有十警察大憲警察方針警察須知司法警察保安警察東文東語地理算學體操

宗教

境內宗教有五曰佛教曰道教曰回教曰天主教曰耶穌教佛寺以治城善濟寺為最有戒納僧為主持道觀以揚大城無量宮為最資產頗豐道人五六十名回教有禮拜祠一所在治城東南門外內有阿彈一人主持教務天主教有教堂一區在治城東街路北內有法國人傳教入此教者大半皆下等愚民耶穌教有講書堂一所在治城西街路北無英國人但有講書者一人而已茲將各教人數書於下

佛教五十一人

道教九十八人

回教一百人

天主教五百八十五人

耶穌教一百六十三人

政蹟 興利

集事張公雲祥四川成都府華陽縣人光緒三年十二月二十二日履任當馬賊擾攘之後改立縣治之初公與民休息為目的辦購嚴而不酷行政簡而不擾上不應酬下無需索初文廟牆垣以甃砌之被風雨剝缺漸就頽圯公獨捐廉易之以磚即今現在之牆垣八年夏新任之牌已懸示矣屬民聞知赴省籲留雖經駁飭而上憲仍默順輿情求行職任是年十二月十八日委查事件九年三月二十七日回任十一年二月初八日始行交卸公在任七年士庶樂業民教相安

筱泉賀公墳山東登州府寧海州人光緒十二年八月十一日接印時懷色尚無書院公捐廉俸千二百兩以為之倡書院乃成士子賴之尤嚴於治賊聞報即捕獲即置諸法鄉保匿報亦從重責之真盜到案無倖免者民間細一說即結雖其中不無武斷而民氣扼累亦不夥矣十九年十月二十三日交卸在任七年盜賊斂跡惟使酒濫刑及門下林某乘勢竊權不免為政治累耳

撲卷高公膺陽江西九江府彭澤縣人光緒二十五年七月二十九日接任勸民積穀四千七百六十七石創立社倉三十八所二十六年四月二十六日交卸署事九月凡事認真無敢欺蒙

平甫蔡公昌治山東登州府福山縣人光緒三十三年六月初八日接印自高公創立社倉之後即經奉匪之亂加以日寇交關境內官署勿勿民情岌岌昏亂社倉無聞緊要公到任元早已甚下車

伊始卽以此事為當務之急調香認真不遺餘力吾舉不致中墮者於公有賴焉二十四年二月初
二日交卸署印八月政由己出雖無勞績

錫蕃原公行庶安慶府懷甯縣人光緒二十三年八月初十日接印自甲午之後馬賊又見端動公乃整辦團練令商民籌款設立練營以唐玉和為統領分駐四鎮各鄉則視居民多寡大團三十名小團二十名均無餉藉自備軍火有事則聚無事則散並嚴查界內匪人以絕盜賊眼線遇有賊來練營擊就近各國輔之預予之預境內賴此以安二十四年十月二十四日卸任

錢如廖公彭貴州都勻府獨山州人光緒三十一年正月初九日接印二月十二日被俄兵擄去蓋正月初五夜突有日人率騎匪三四百名轟毀二站東鐵路橋俄忿甚因遷怒於地方官不知事在公接任前也據空職額見彼違官事既自令回任值俄兵驟退伏與俱行抵三站通事勾串俄弁某於黑屋邑中尚不知公所在數日幸有公益地局局員梁豐年等前往探詢彼等飽欲始行釋放公在俄營往反二十日繞行露宿備極艱辛然當俄兵退入懷邑時公見彼幫辦毫無餒色議論侃侃凡事必自任之俄官欲下鄉買車馬公力阻之勸令辦牌代購民始賴以粗安至俄兵之強據糧草勒買牛豬不過通事勾引彼輩於中取巧然尚畏俄官知之使無公力阻於前則騷擾尤甚矣尤足稱者俄人在境通事坐集肆掠李通事而漢奸畏威俄隊遠竄盜賊充斥為害張四馬棒而降隊構服此等作為尤非尋常所能及無如俄人方去新任已來竟於三十二年二月十三日交卸去

訴訟

幼樵章公據河南開封府祥符縣人光緒十一年九月二十五日接印留心民事定有訟費不許班房額外苛索十二年八月初二日交卸署事十月民稱不寃

耆老 學問

襄臣魏公奉璋咸豐七年入吉林學同治十三援例納貢光緒二年馳封奉直大夫先時境內開墾未久昌圖廳亦未設學居民力穡者多鮮知誦讀聞有鄉塾教讀者均外人率多濫學公則以啟迪後生為務化嚆者之狂榛肇一方之文運實惟公提倡之家居教授尤工舉業弟子稱盛一時如伊通州齊府科第蟬聯亦多游於其門公任晉橫以附生應同治癸酉科鄉試舉人甲戌成進士光緒丙子補行殿試欽點主事籤分工部官至花翎二品銜分省儘先即補道實公手教成於成則公之善誘與後學之被陶淑均可概見矣

可氏榮公又遠號堯夫同治戊辰補博士弟子員時昌圖新立學校知分府事為並生張公鼎鏞慶公才留署課讀資之膏火時方肄舉業所為文縱橫排累自鏘偉詞書法秀絕才子之名噪於一時嗣以癸酉科選拔考取咸定室恩漢教習期滿引見以知縣用癸巳應順天鄉試中式副榜癸卯充本省高等學堂監督是年卒於廡所年五十六歲公才思敏贍尤邃於學雖朋輩酬應之際未嘗釋卷故所造益博奧與新民劉東閣孝廉春煥承德房仲南貢生慰農諸名士時相唱和生平所著古近體詩及古文各類卓然名家學者爭傳誦之公弟文昭邑庠生文祚甲午科舉人現官度支部

郎中俱承公家學卓有聲望云

事業

際三磨公玉和一名奉初為民杜班因事幾陷於法賴尊張公力救始免於難後充捕盜營兵十五年蒙賀公派帶線勇因補助賑糧出力蒙軍憲定給七品頂戴十七年帶隊防禦朔陽坡教匪出力蒙賀公稟請督憲裕賞給六品頂戴十九年十二月間蒙傅縣尊稟准署理捕盜營外委帶馬兵三十六名駐楊家大城子二十一年因日人犯順蒙傅縣尊派與欽差大臣宋購送硝磺火約二月初抵鄒州防所蒙該大臣賞給五品翎札是年四月因捕獲巨盜曹二獠脚子蒙傅縣尊稟准賞給五品頂戴二十二年冬因督憲依裁撤捕盜營以致賦閒二十三年蒙縣尊創立練營派公為統領二十四年蒙干縣尊派充團練總局總長二十五年秋因迭獲巨盜蔣永亭等蒙督憲增准以儘先犯總存記十二月蒙高縣尊授充團練總局統領節制馬步各團稟請立案是年及二十七年共擒著名匪多名蒙范縣尊稟准以千總儘先補用並加四品頂戴三十一年督率警營各隊拿獲著名巨匪盜四十餘名蒙廖縣尊稟准充補千總以守備儘先補用加游擊銜三十二年七月間因盜犯大洛危痘等久未就獲奉張軍門令調往勦賊於七月十九日在奉化縣之岡岡屯剿姓家與賊接仗鎗子中腦後三日及時年五十一歲也團練向無逾界勦賊者公之遇害隣境或為公惜然事關於省督憲趙次帥即錫以忠勇可風之匾額以旌其門公可謂得死所矣又何憾焉公葬

讀書無多性甚濇警與賊大小數十戰少有敗衄且勇於擊賊而嚴以御卒較夫殺名討賊而備於擾民者豈可道里計哉

山

懷德惟南境有山亦無高者。北路盡屬土阜。強以山名之耳。西路哈喇巴山最高。大然猶在境外。今因東北支麓有在界內者。故並錄之。

哈喇巴喇山

山在縣正西。距城百三十餘里。距界壕五里許。高百仞。其南靠西有石磊一所。青石磋礪。壁立數仞。山巔有蒙古人堆石為與保南面山。有一古廟。西南北三面巔形陡峻。欲陟山巔。非從東北麓莫由。以升哈喇巴喇者。蒙古語黑虎也。以山麓自東北起。綿延數里。愈西南愈高。至近峯處。又突起其巔。亦西南東北斜長。西至極處。山勢陡駐。而稍南轉有卧虎亭。首同顧之勢。故名。山前即由縣赴遼源州之通衢。

白龍駒山

山在縣城東南。與民社鐵路北。山高十丈。東西長二里。產紅色石。為懷長之分界。但屬懷境者。不過三之一耳。

平頂山

在南裕豐社鐵路南。平巒高五丈。東西長一里。

尖山子

在平頂山之南尖峰高六丈方圓一里

元寶山

在和悅社鐵路之北高五丈

黑山嘴

在南派康社朝陽坡南長十餘里高十餘丈不等由東南而西北而西俯瞰遼河而止

大青山

山在縣北遵儀社距城三十五里高十丈東西長三里為懷德長春之分界

寶泉山

山在縣城西北北遵義社主阜高八丈但以山名村耳

團子山

山在縣城西北北保艾社瀋陽長春府界高十丈又一團子山在城正西北平安社平洋突起土阜

高五丈週一百餘弓縣城之水在此山前逕過

山在縣城西北平安社土阜起伏高十餘丈不等

小山

在興民社白龍駒山之東南鐵路南高四丈寬長各一里產青石懷德長春之分界即在此山之中

萬靈山

在文昇社鐵路南高五丈

水總

懷境乃一分水嶺也水從邊裡入境之大者西則遼河東則西開河然新開河所流不遠即入長春境且水勢大小懸殊長春之水東北流注松花江懷德之水西注遼河而入遼海當奉吉兩省之交而水勢劃分若天然者亦一奇也遼河為懷奉之界河第以水性無定遷改不常今北流處臨懷境者十之八向西流處臨懷境者不過十之二三而已故以遷改出境者曰新河以洞流舊河曰界河以別之境內之水多無的名謹防水經注例以遼河為綱餘水為支等源併者曰合小歸大者曰入注遼河處曰注言支河處低一字以清眉目以便閱者至水之外入者未究其源水流他境者未詳其遷以在界外故也

遼河自山裏長長泡發源由赫爾蘇門東出邊之萬寶社入境北流過黃酒館村前一水從東南來注焉

水自邊裡二十家子北流出邊亦自萬寶社入境西北流至此入遼河
又北過李家大甸堡道鏡路北一水從東南來注焉

水承二源西水源自燒鍋溝東一源自張家店北流出邊至靠山屯西二水合而西北流過鏡路至此入遼河

又北流至山梨紅隈子前一水從東來注焉

水發源自恆頭山子葦子溝等處從公主嶺站西頭過鐵路西北流至此入遼河

又北流至黑山咀子南一水從東注焉

一水承二源西源自二道溝北流出邊東源自十三家子北流出邊均由長壽社入境至卧龍泉北

二水合而北流自公主嶺東過鐵路至大窪北折而西流至此入遼河

又北至黑山咀子前清水溝子從東注焉

發水源於公主嶺前一帶至此入遼河

又北過新河口又北過古小城子西又北過祥發店窩堡又北過馬家船口而卡路之河從東來橫

決界河西注新河焉

水承四源西第一源自葦子邊北流出邊由文舞社入境經二十四道溝北流西第二源自五台

子北流出邊由文舞社入境經石頭哨北流過鐵路北二源合流至杜家溝北與東流合東一源

自亂盆窪北流出邊自和悅社入境西北流東第二源自范家口出邊由文舞社入境北流不遠

二水合而西北流過鐵路至杜家溝北與西流合而西北流至卡路屯東南小黑林子之水從東

入焉又北黑林鎮之水從東入焉又西北流至韓家店頭二道崗之水從東北入焉又西過溫家

六橋三道崗水從北入焉又西流中央堡之水從南入焉又西北流至馬家船口注於界河
新河馬尤尾遼河西從此水入老河身而北流名二道河于寶遼河故道懷奉分界以此自此水
西注而界河涸矣此後以遼河為界河以移入奉界者曰新河以別之

界河自馬家船口北至宋廣窩堡一水從東注之

水發源於呂家堡子過姚家堡子坑兒王家窮棒子溝天輪樹街前西流至此入界河焉

又北過楊家小店又北至佟家窩堡前駝子街之水從東南注焉

水發源縣城南長春嶺西至房孫一入西至雙榆樹西至駝子街村西折而北流至此入界河

又西北至龍王廟子折而北流至魏家窩堡又折而西流至三岔口又南流入新河矣

先是新河至此歸舊河槽故曰三岔口今復南徙界河又涸矣噫滄海桑田豈不信然

界河自三岔口西過史家河口又西過邢家窩堡又西過韓家窩堡又西過張家窩堡又西至八屋

前趙橋子窩堡新河從南歸焉又西里許秦家屯河從此注之

水發源縣城北之五道崗崗上有古輪一株小石廟一座皆古時物下有泉數眼村人呼為老水

泉因集亭張令祈雨有驗耳以龍王廟并易其名曰與龍泉源西流至山咀子一水從東北入

之

水發源八岔溝子至此入河

又西南流過老邊崗至大榆樹村前一水從北入之

水發源拉拉屯之東南流至開原富堡北折而東北流逕威家粉房東折而南流入河

又南流逕六合居至畢家窪子東一水從東入焉

水發二源一自三道崗前一自四道崗前至三道崗西頭一水合流從西四道崗前西南流過老

邊崗經三皇廟高大家勾家粉房前西流至此入河

又西南流至畢家窪子門前縣城之水從東南入焉

水發源縣城東半之街前街後街前之水出街西南流至趙家窩堡西五里堡子之水入之又西

至八里鋪與街後之水合而西流經興隆溝至榆樹堡前西南流過老邊崗入老城堡東南之旱

壑折而西北流至圍山子折而西流至高家屯北又西北流入於河又西南流經古城南繞趙家

堡前折而西北流至秦家屯街西一水從北入焉

水發源於太平莊前西南流出郭家溝子土峽南流經永來館至宋家窩堡前折而西流至佟家

屯東折而南流入河

又西流泉眼之水從北入之

泉眼在小古城南坎下平原有泉數眼占地畝餘阜上望之若一境高溢而西流入河

又西經兩家子三家子至四家子西一水從北入焉

水發源馬家窪蘭家粉房等處西流至朝陽溝西折又南流自四家子西頭入河

又西經五家子至八屋前西南流至趙藕子窩堡前西南注遼河

遼河又西經頭道圍二道圍三遠圍前過東龍帶至十屋西南石佛之河從北注之復隨新河南移矣

水發源石佛東西流至石佛前而黃花甸子泉眼河之水從東南入之又西至王家小店卷尾巴梁之水從北入之又西過楊大城子西南黑泉眼之水從北入之此二水皆發源長春境但流不遠即入懷境又西南流至九間房放牛窩堡之水從東入之又西流至三門姜家前而王家溝及朱家大屯及丁家溝諸水從北來入之折而西南流經十屋又西南橫穿界河遼河自奉界之連三江南遼直至遼源州界內徐家船口始歸舊河而界河又涸矣

界河又西過桑樹台新三屯齊家窩堡前又西過三間草房即入遼源州境矣

新開河自邊裏來者共有六源

泉一源自王家小店北流出邊由興民社入境東二源自房身溝北流出邊由南裕豐社入境東

北流至姚家燒鍋二水合而西北流至宋家店前响水河子之水從南入之水自邊裡石坎窰子北流出邊由南裕豐社入境合而北流至懷家店前與西流合西一源自放牛溝北流出邊由和悅社入境西二源自景家台北流出邊由和悅社入境至小八家子前二源合而北流至灣龍泡北一水從東南入之水自郭家屯北流出邊由南裕豐社入境至此與西源合而東北流至懷家店與東流合此下則統稱新開河矣

北流過鐵路北一水從西來注之

水發源平頂山後東北流八大泉眼水入之有泉八眼大如甕小如盂水流甚旺東北流入新開河

又東北流至南遵備社之馮機房北又東北流入長春界矣

又有一河在北裕豐社昌隆堡發源東北流入東窪北流又一水從西入之水發源十里鎮東經關家窪子東流與前河合又北流注長春之葦塘懷境水入長界者惟此與新開河而已

泉眼溝在興民社有泉三眼相距半里許一眼極旺冬夏長流源源東南流自伊連河門入邊裡懷境水流入邊裡者只此一流耳

懷境自道光初年招墾民之負未來者耕食鑿穀有古風焉人之五方雜處良莠不一遂有馬賊初不過邊路劫財夜集明散猶有避忌但以距昌圖廳治三百餘里氏之被盜者赴廳呈報所索路費房費不資報後又不能立予緝捕故被害者雖至破產莫申籲苦惟有呼天嗟命而已官府亦不以盜報為非或轉為諱蓋之地上下相蒙視為故常又兼轄境袤遠鞭莫及馴至同治三年終勞王師此初次兵事之所由來也既定之後齊公來留守奉天大義親親以整營伍竣後堂文勤公繼之不避勢要而勇富家故公去後民享數十年清平之福可見仁人德化及民之深至中日伐後清卒海勇勾結土匪又見蠕動然猶賴鄉團扼為維持詎意庚子歲俄人入境搜括軍火而賊勢益熾及日俄開仗俄之搜括愈急不但鄉團不敢持械印營兵無敢荷戈者嗣後則賊愈肆而莫制民益苦而無告矣甲辰乙巳間境內之不被賊害及俄擾者不多睹也雖堅壁死守亦有幸免者然而尚被攻敗其禍尤烈直追日俄和後而民始稍甦此二次兵事之始末也今將境內歷次戰績之大者按時序之先後略錄數則以備觀覽

三教寺賊圍會總之戰

同治二年五月十八日孟省宛各寇應率賊匪四百餘圍三教寺總張廣義院內能應敵者僅十八人

初戰時以暗擊明尚亮賊數名嗣賊入東鄰屋中穴壁為炮洞俯瞰以擊院內幾不支幸有僱工劉某踰垣火其屋賊乃退去戰有三時之久院內子藥將盡再延數刻恐有覆巢之虞然而卒免於難者賴此工人之一炬當鎗雷彈兩之中冒九死一生之險該工人可謂舍身不避其難矣視夫食人祿而不忠人事者豈可同日語哉

辨圍八家子戰賊敗餉

同治二年八月十五日盜目滾地雷幸賊三十餘名任東街路南瑞興店黃花甸子會總董曜帶領會勇前往勦捕從闕帝廟進攻初戰時即復會勇二名銳氣已挫嗣賊從該店東大門出繞至後街抄其後路會勇盡逃去該會總尚不知也乃同四人依廟東一牆圍會勇擊賊無如歸路已斷四面受敵子藥罄盡束手就擒賊縛為的以之演槍畢則合前二屍聚而焚之比及賊去家人乳虎則莫辨誰何不得已而合葬一邱焉賊西義地迤南有一高大之塚即七人墓也於時生未嘗食餉搗毀不索卹典殺身毀屍不得歸先人之故壙悲哉慘矣

八家鎮火股賊攻小股賊

初知昌圍廳事海公在金家屯之遇難也而入大會之會勇戰死者甚眾敗後不能成軍士而散勇糾合匪人自成一幫亦無的名人呼之曰小幫於同治三年十二月十一日共三百餘賊進八家鎮住

東大橋西店內彼時錢內未設衙署又無營兵尋遇賊來惟有鼓樂歡迎預備下處以媚賊之不與掠耳而花鈔則不論云無如此股賊匪勒索愈苛及十二日議稱未安馬德子率八百餘賊又至高民仍前出迎此小幫亦不得不去拜見大幫亦未動聲色同住街內詎至初更後大幫忽起而攻之斃小幫三十餘餘皆逃竄逃復雖不無為賊者而此股之名則已絕矣嗟夫始則拿賊繼而做賊宜其見急於賊也出其不意襲而殄之豈益亦有道歟可為懷歎不終者成或曰商民使之亦未可知此股賊匪分文未得亦鎮中商民不幸中之一幸

八家鎮官兵與賊戰

初京兵由省並來也省兵亦與之俱京兵因長春告急從南道趨援之而省兵即赴八家鎮領兵者有所謂木大人花大人者紳八旗馬隊四百人并南城投降馬隊二百名康洛疙疸與白胖子二人帶之大炮十二尊駱駝六隻軍容甚盛於同治四年正月二十五日至街駐世合棧院內時已二年餘未見官民商民均喜出意外二十七日聞雙城堡有賊降隊徑擄奪獲大車一輛詎大股賊攻長春未克而京兵已到賊乃悉眾西來三十日降隊復東偵探獲一穿紅蟒賊已遠見賊眾逼來遼將所擒送營并調兵及炮車遣官兵遞遞出院賊已近街東兵聞槍聲并未赴敵亦未稟知統帶遂從西門而逃比降隊退入世合棧僅餘木統帶一人而已先是木統帶在公館靜候提督降隊退回始

知本隊已逃方欲現身賊已填街塞巷矣乃踰垣而避之入儒林堂藥舖為病人也者始免於難
賊去後乘許家館驢以旋省降隊在世合棧院內與賊格鬪片時見勢不支亦奮門而去是役也降
隊戰死者三十餘人炮車輜重盡陷於賊官軍則未傷一卒云

京兵朝陽渡之捷

同治四年正月三十日賊首馬俊子擁眾萬餘踞八家鎮另有小股豫九工馬保山等二千餘由北
道赴鄭家屯為博噶台忠親王所殲馬俊子遂於二月二日率眾趨朝陽坡蓋遵河冰汛方急賊欲
西渡非至該處無橋以濟也初三日京兵躡及之以天晚未進初四日已刻布陣該市之東賊亦整
隊出迎賊之故智過敵輒連騎衝突名曰闊隊恆以此得志是日仍逞故技京兵見來勢洶湧乃伏
田壘以待度子彈能及擊之賊多落馬而退三闖三退黔驢技窮各無鬪志兵起乘之遂大殲爭橋
競渡墮河中者兵算逃過河西馬俊子僅率二千餘而奔邊裏而去餘盡作為獸散是役也陣斃賊
數百名落水及散後被鄉民殺者亦數百名共不下千計自此一敗塗地賊勢不復振矣

三家子三道崗鄉團戰賊

同治五年四月杪盜目李治疇等率賊二十餘搶長春界雙城堡街不數日殲眾七十餘賊於五
月初九日由三道崗至秦家屯盜目三人李與曲鳳傑土著惟高橋子乃遠來者至街但索鴉片燬

未拜擄掠一飯而西至小兩家子槍戕甚福始踣被殄之機先是三家子沈萬成聞賊至秦家屯來見賊目問其何往賊以入屋對沈云似此路經徽村幸勿見掠賊云此亦易事惟軍火不足望代籌措營蓋兩相允許及沈歸途人問賊耗沈云無妨以故茂盛福之被掠毫無準備及沈聞信前來已槍畢矣乃怒曰似此所為即有軍人尚留以擊齋賊遂有伏劫更復送至秦家屯南宿馬是夜約八屋鄉團合三家子鄉團共集馬隊三十名初十日黎明至秦家屯因天微雨土槍不便燃放遂扣豐聚當門避雨偵賊目由窺在該舖坐索錢財遂縛之適又一人扣門問所為答云投大隊者蓋疑鄉團為賊耳亦縛之少馬雨霽踰橋南往捕賊而賊之全隊尚在南陸家屯惟李老疙疸獨宿橋南二里許之舊日私家初該犯曾約北方之賊匪合股見鄉團壯來誤為所約賊到乃徒手來馬出迎及近見事有異撥馬而回被鄉團彈中其脛落馬又縛之大股賊聞槍聲已作準備迨鄉團前往賊乃整全隊出迎鄉團以賊眾恐被包抄乃列橫隊下馬把鎗於鞍以待賊不敢進相持片刻賊後隊有逃者團勇乘馬猛逐之乃潰鎗斃賊四麥田搜獲者二餘賊奔東南比及三道崗剩十餘騎該處鄉團亦起迎頭奮擊戰斃賊二生擒者三高橋子亦在內云是役也二團共擒斬賊十四名三盜首無一免者團勇未傷一人自同治二年以來鄉團已久不敢聚此為高賊亂後之餘波亦鄉團再起之

西劉家北揚家大城子唐統練擊賊

光緒二十六年俄人之復來也。到處搜括軍火。有因此累及身家者。民間聞之。不勝憂懼。蓋以土匪不靜。雖換鄉團。互保。尤藉軍火。自衛。果被搜去。安得不任賊匪為所欲為乎。俄之大排民意。唯此為最。然民之所憂。實之所樂。以故。奉化北境。於九月初。忽盜賊蠢起。有喜農事而從賊者。不數日間。聚有數股。緣與懷境一河之隔。統練湯玉和。恐其蔓入境內。帶隊前往查追。於吳月初十日。至三家子。午殲。聞西劉家也有賊七十餘。捉去牛梁。楊三姓三人。勒贖乃同三家子等團前往勦捕。至則賊已西往。乃督隊趨追。至頭道圍後。及之。將擄捉三人。如數打回。戰斃賊二生。擒綽號掃北等十一名。餘北竄入柳林。仍逃往河南而去。後聞此股賊匪。經此大創。多有歸正者。是役可謂當頭之棒矣。是日天晚。正在收隊之際。又聞巨匪三百餘。圍攻揚家大城。甚急。統練聞信。自帶本隊。乘夜前往。更餘。至該鎮。賊已入楊姓院內。攻擊至鷄鳴時。賊方往北。適去該鎮。賴以保全。是役。擊斃賊目蔡首一名。傷餘匪數名。俱被賊緝於馬上。馱去練營戰破練勇一名。統練之馬中賊彈。斃。噫。戰賊夜以繼日。可謂勞矣。彈中所乘之馬。不亦險乎。此二役尚在俄人未到境之前。迨俄入境。賊匪軍火。猶恐不暇。遑云擊賊。嗣後境內。雖不無戰事。亦必觀俄人不在。始敢乘間。偶一為之。

啣嚙與馬家屯俄人擊賊

俄之復來亦甚惡賊而賊亦畏俄然自俄人入境賊匪益多民患可甚者則以搜括軍械致令兵民鄉圍皆不敢持械擊賊而賊益無忌憚故也乃其所搜者不過兵民鄉圍而已若賊之械則不但不能搜得且將搜得之械轉昂價以售與匪人吳其收一械而賊寡一畏賣一械則又增一賊矣更兼漢奸通事分贓庇盜不論何等要犯一到車站無敢過問者直迄日俄戰起俄之後路屢被賊擾始知養賊不第為華人患也非其謀之不臧自怨伊威歟光緒三十年秋有日人十餘名從蒙泉繞入勾串鬪匪三百餘人轟燬二站鐵道三十一年正月初五日日人又率鬪匪共四百餘名烘燬二站東之鐵橋俄兵逐之至非大界外被鬪匪擊斃四十五名俄兵乃棄甲而回是年四月初俄人運軍之車在河套被賊擄去三輛擊斃俄人一名俄不堪其擾乃飭隊嚴緝於四月二十一日伊之降弁趙蘭亭率領俄隊逐四百餘賊至縣西南二十餘里啣嚙處斃賊二十餘名戮殺俄人二名是月三十日長春府趙帶帶率領俄隊逐賊三百餘至縣西三十里之馬家屯又斃賊二十餘名五月朔俄養素通賊者掃旗招降初二三日賊乃陸續進縣賊強餘強貨肆竊舖商賊內有友友之勢幸其不久即往邊陲前敵而去共二千餘人沿路馬匹擄掠一空嗣後境內賊患稍殺然猶未已也

賑務

懷境地屬王荒向無請賑之說自賀令到任連年靈雨為災光緒十四年為尤甚蒙賀公稟請督憲

慶於十四年九月十五日由省發到賑銀五百兩及十七年成災亦重又稟請督憲裕於十八年三

月二十日又發到賑銀五百兩前後二次共領賑銀千兩雖云杯水車薪難果腹亦足見

皇恩浩蕩惠及遐氓無遠弗屆矣

光緒十五年春即有奸民以饑荒為口實煽惑婦孺到處分糧搶以滋事賀公聞知拘而嚴懲幸未

釀成事端乃勸令紳商富民捐糧設粥廠以賑之及新谷既登乃罷故年雖飢饉野無餘孽事後稟

請督憲恩視捐糧之多寡給六七八品功牌以獎之公之是舉可謂寬猛咸宜矣

古城

新基城在秦家屯村東南北長二里東西寬一里六丈高二丈餘不等甕門四座城河三道唯西南隅無壕地勢汗下乃城內外水之歸宿四隅倍厚似有角樓西南隅近眷處有古榆一株徑五尺餘甲辰被俄人所燬北門東牆有一穴側身可入五六尺遠陟往上灣人莫窮其究竟好事者就穴口葺之以廟香火不斷名之曰大仙堂東門路北亦有一廟稱呼如前亦迷信之俗使然身城之建置並無隻字可考以所拾古幣証之多北字并說稽之史冊宋之輸幣於遼最多其為遼之遺址無疑而蒙古之呼為高麗城亦諺夫朝鮮與我同文若大工程詎無片石隻字且唐初已南徙安有宋代之錢耶其西稍北二里餘在高家窩堡南又有一小城四面各百步其為此城之屯積犄角均不可知二城均在坎上俯視平原若則南眺河套一望無垠今則柳林匝地矣城北七里有臺基一所高尚二丈在土阜極高處此阜橫亘數里長十餘里在中斷一水發台東瀉焉登此基上不第南眺平川一望無餘北眺高原亦歷歷在目為此城瞻望所也必矣

又一古城在南掖康社朝陽坡之北甕圈之西寬長皆不及里修在平原

又一古城在朝陽坡東南南公主嶺西北地名小城子寬長亦不及里修在土阜之南坡從南望之城內悉築以地勢恐難繪其詳矣

又一古城在文藝社鐵路之南寬長不及三百步

又一古城在南和虎社鐵路北寬長各三百步

又一古城在北保艾社名毛家城子城在上埠之巔殊得德高望下之勢但恐水泉不易身東西寬

半里南北長二百二十弓

柳條邊

此邊乃我國與蒙藩之分界西起北邊外東止松花江初築時沿邊種柳故有柳條之稱近則柳木數圍而柳條之名亦湮懷德南境悉界此邊西起赫爾蘇門東止伊通河門綿亘百餘里邊南則吉林伊通州界矣

小邊

伊通河門外靠西有小邊壕一道由東南而西北懷長分界在此人邊謂春吉兩省之界蒙殊不知我國廿餘行省劃疆分治並無限制以壕者此蓋達爾罕王族與郭爾羅斯公旗之分界我官設治仍其界而界焉試觀一邊之隔兩省之分域相錯三百里其理自明

古邊

此邊在中旅原社戩子街西南入墮至北遵鏡社大青山南入長嶺界料互境內七十餘里凡境內諸屯以邊崗小邊名者均以此細查此邊與柳條邊相表裡起止亦相若又無志乘可稽豈能究其年代惟據昌圖府署內科神廟兩壁嵌有赤石一片誌有邊海衛三字可見此衛尚在新邊之北此邊之南或者此邊為明代與蒙古之分界歟俟考

西新邊壕

懷境之招蠻也先東而後西道光元年始出縣治左近長謂大荒六年始出七里界荒至慶寶屯等處尤其後者久之民之來者日衆一片荒原刈草牧放漫無界址於咸豐初年達爾罕王乃派莊丁掘此邊壕以限之南起哈拉巴喇山南東北止郭爾羅蘇公旗界長七十餘里壕東乃懷境之西北界壕西仍未拓墾嗣因鄭家屯所出之荒不足割山前沿河一帶以補之懷邑與遼源州之接界僅此一區耳然亦仍屬孤懸其西其北竝未招蠻也

石人

在北邊儀社八寶湖屯有石人二石虎二石羊一人高七尺餘傑然峙立蓋是古墓但無碑記莫知誰何顧用此墓為者足見文字之不可一日無也今懷長分界即在二人之中首為徒具今作界石可謂化無用為有用獨併塚跡而無之良可慨焉丁仙累累之言勿勞興感矣

石佛

在北邊儀社石佛廟中村石以此相傳在河中冲出跌坐高五尺餘惟金面頭顯則真空矣村人移入廟中塑以泥首而祀之猶有住持焉想佛教以慈悲為宗肉身且施濟不吝捐此偶像乎世以金石並稱以此觀之石之不全若也遂甚

古榆

中振康社大榆樹村後有古榆一株徑六尺餘枝葉繁茂老幹紋訝其西百餘步即北瀉園土阜約向如新月形角距五里有泉數眼積水為潭長三里餘中寬半之內多魚蝦春夏之交蒲葦綠綠臨游泳禽飛魚躍之機足以游目騁懷惜無荷花點綴耳

又北裕豐社大榆樹村有古榆一株下有一廟為前任傅大令雲龍所修而鄉愚之在樹掛為向廟焚香者道路相望語云上有好者下必甚焉况此多神之俗乎噫不問蒼生問鬼神從古已然謂之何哉

又北振康社終家屯有古榆一株徑六尺餘形如圓蓋蔭地畝餘數百年物無一枯枝可謂植得其

所
又北平安社大榆樹村有古榆一株大三圍

又長壽社有古榆一株在小孤榆樹廟院內

險要

懷境僻崇山峻嶺車騎無不可至之處無險可扼唯遼河一水天雨時行則不可從涉馬家船口而北而西柳深林密溝汊紛歧宜用奇不宜用衆利於步而不利於騎故時為盜藪愈西愈甚然亦依匿之區非盤踞之地也蓋以河套早傍不常民無益藏人衆則乏食戶口星散棚寮而居人多則難

樓更勝以竇為垣。不足之禦敵。誠能熟習道路。諳知地形。購偵探密。問謀。察所短。而用所長。防其
逸。而發其伏。亦可制賊之死命。是視將領為何如耳。豈果險之足恃乎。

村鎮

治境初闢民皆隨地而居幕布星羅不成村落後漸人烟稠密而名村巨鎮殊屬寥寥茲就其商膏咸集交易互通者言之詳列於後

一黑林鎮在縣治正南南平安社街東西長五里南北寬一里商務繁盛五十餘家稍遠縣治置所屬巨鎮也距城五十里

一朝陽鎮在縣治西南南振康社街東西長五里南北寬一里商務二十餘家距城七十里

一場家大城在縣治西北北綠艾社街東西長四里南北寬一里餘商務二十餘家經庚子兵燹稍見蕭條距城七十里

一五家鎮在縣治東南南裕豐社街東西長三里南北寬一里付有小本營生商務六七家距城五十里

城池

縣治舊名八家鎮自同治五年始設分防經歷光緒三年裁經歷改懷德縣治東西大街二道街南
北寬三里東西長五里商務七十餘家以上築城方圓 里開設六門南曰歸昌門北曰保奉門東
曰撫道門西曰迎恩門西北曰靖安門東北曰緩遠門街南有河一街北有河一皆深二丈餘藉以
為池

道光初年放荒招墾民皆由金復州承德府直隸等處遷來分土耕種然貧民居多所耕稼謀食外既無縉紳巨族復鮮懿誦世家迨至光緒三年本境設縣治建學校文明漸啟始有重學問入仕者謹列於後

- 一趙晉臣居北嶽康社秦家屯距縣治四十里由戊子科舉人現官禮部郎中
- 一榮文祥居南遵義社東大窪距縣治三十里由甲午科舉人現官度支部郎中

節烈

懷境自光緒三年改設縣治即以是年在文昌廟院建修節烈祠三間凡境內守節之婦經奏准

旌表入祠者開列於後

一南裕豐社灣龍池七民婦王趙氏嫁於儒童王殿佐為妻過門三年王殿佐病故趙氏時年二十四歲矢志守節孝順翁姑教子有方迨至五十一歲請准建坊

一平安社三教寺七民婦吳氏係民人吳明德之妻于歸時氏年十四夫亡時氏年二十三只生

一子自夫故後奉孀姑撫孤子以為己任守節自甘矢志靡他躬勤紡織親操井臼迄孀姑病故代

夫喪葬盡哀盡禮持家勤儉教子成人該氏病故時年六十三歲計守節四十年請准入祠建坊

一和悅社小八家子七民婦高姜氏係民人高明泰之妻氏年十七于歸事翁事夫克盡婦道其夫

病故時氏年二十七歲生有三子該氏顧念家貧于幼矢志守節躬勤紡織日無暇晷迨翁身故喪

葬竭盡禮節衣皆襤褸食悉粗糲人所不能堪者氏獨處之晏如而且教子耕作至於成人力為婚

娶以重宗嗣厥後家道稱裕皆由氏勤儉教養之功也請准建坊計守節四十年

一保文社唐家窩堡屯民婦唐張氏係世顯之妻氏十五歲于歸至二十九歲夫病故只生一子

一女猶幼侯得氏當即指天日願守柏舟之節奉養嫗撫育幼子貧無恒產惟情紡績以供二

老之衣食及翁姑致時喪葬皆能盡哀盡禮且教子王和成名充當本縣練長捕賊有功蒙賞五品頂戴洵稱中閭之完人也請准建坊計守節四十五年

一平安社房壠子化民婦李安氏二十一歲適李相為妻翁姑雖役事伯叔之父母如己翁姑二十四歲其夫病歿而該氏當無所出猶能矢守苦節百折不回過夫之胞弟李枝次子為嗣年方五歲該氏殷勤教養以至成立守節三十八年請准建坊

一北平安社十里鎮民婦周陳氏係民人周明先之妻自十九歲子歸次年其夫即故維時天家母家以該氏肯無出均有始易終難之慮而該氏矢志靡他敬事翁姑直待數年以夫之胞弟周繼先之男驛甲自襁褓中過繼為嗣該氏鞠養周至愛逾己出請准建坊時計守節四十二年

善局

夫善局之設重在保護地面兼濟民生凡有公益之事皆應設法為之提倡也懷德僅有牛痘局一所自光緒十四年經賈公墳每見民間嬰孩出花醫治不甚得法以危厄歿亡殊堪憫創爰在本城西街設立牛痘局名曰資善堂以資栽種拯就嬰孩危險遂請粵善種醫生入局專司其事並聘諭屬界草民人等均聽赴局引種牛痘不准需索分文自設局以來醫種法善民間引種者日見增多此所有局中醫生薪水伙食等項僅有入官蓋產購房共費債中錢一千一百吊旋據富民周向元助中錢五百吊又另有入官購房兩所售得房價中錢一百五十吊前後所籌各款共計中錢一千七百五十吊按年一分六厘發商生息每年計得利錢二百八十吊議定章程每年撥給薪水巾錢一百八十吊伙食巾錢七十吊約資巾錢十吊其餘中錢二十吊每年撥給該局修補房屋自行經理

理

航路 兵

電報 無

文報 無

忠勛 無

本在文件係補盜營軍送

孝
弟
忠
信

4.1321
32

